



**JAMHUURIYADDA SOMALILAND**  
**GOLAHA WAKIILADA**



**Xeerka La-Dagaalanka Budhcad Badeedda**  
**(Piracy Law)**

**XEER NO - 52/2012**



REPUBLIC OF



SOMALILAND

THE PRESIDENT

REF. JSL/M/XERM/249-988/032012

DATE 21/03/12

**XEER MADAXWEYNE LR: 0212/032012**

**Xeerka La-dagaalanka Budhcad Badeedda (Piracy Law)  
Xeer Lr. 52/2012**

**Madaxweynaha Jamhuuriyadda Somaliland**

Markuu Arkay: Qodobka 90aad ee Dastuurka Jamhuuriyadda Somaliland;

Markuu Helay: Go'aanka Golaha Wakiilada JSL ee ku suntan GWIG/KF-17/555/2012 ee 21/03/2012 ee Go'aanka Ansixinta Xeerka La-dagaalanka Budhcad Badeedda (Piracy Law) Xeer Lr. 52/2012;

Markuu Arkay: Qodobka 75aad ee Dastuurka Jamhuuriyadda Somaliland;

**Wuxuu Soo Saaray**

Dhaqan-galka Xeer Lr. 52/2012 ee Xeerka La-dagaalanka Budhcad Badeedda (Piracy Law).

Allaa Mahad Leh,

  
Axmed Maxamed Silanyo  
Madaxweynaha Jamhuuriyadda Somaliland



RL:37  
**RECEIVED**  
Zidhoo  
29/03/2012

Ref:- GW/G/KF-17/556/2012

Date:- 27/03/2012

Ujeedo: Go'aanka Ansixinta Xeerka Wareejinta Maxaabista

Xeer (No. 53/2012)

GOLAHA WAKILADA JSL

- MARKUU ARKAY: Mashruuc Xeer Lr: 53/2012 Xeerka Wareejinta Maxaabista
- MARKUU ARKAY: Qodobka 9<sup>aad</sup> iyo Qodobka 23<sup>aad</sup> ee Dastuurka JSL.
- MARKUU ARKAY: Qodobka 75<sup>aad</sup> iyo Qodobka 78<sup>aad</sup> ee Dastuurka JSL oo timaamaya Habka loo raaco Xeer Dejinta.
- MARKUU ARKAY: Go'aanka ansixinta Xeer L.R: 53/2012 ee Golaha Wakiilada u gudbiyeen Golaha Guurtida JSL kuna taariikhaysnaa 22/02/2012
- MARKUU ARKAY: Go'aanka ansixinta Xeer L.R: 53/2012 ee Golaha Guurtida JSL kuna taariikhaysnaa 15/03/2012
- MARKUU ARKAY: In Golaha Guurtida wax ka badal iyo kaabis ku sameeyin Xeerka Wareejinta Maxaabista ee Somaliland Xeer Lr: 53/2012 kuna ansixiyeen sidii Golaha Wakiilada ugu Gudbiyeen.

WUXUU

Golaha Wakiilada JSL halkan ugu soo Gudbinayaan Madaxwaynaha JSL Xeer Lr: 53/2012 Xeerka Wareejinta Maxaabista si uu ugu guto waajibaadkiisa Dastuuriga ah.

ALI AA MAHAD LEH

Md. C/risaas Sjeiid Axaate  
Xoghayaha Guud ee Golaha Wakiilada

Md. C/raxmaan Maxamed C/laahi (Cirro)  
Gudoomiyaha Golaha Wakiilada JSL



## *Golaha Wakiiladu:*



- Markuu arkay:** Qodobka 2aad, 26aad, 28aad, 39aad, ee Dastuurka Jamhuuriyadda Soomaliland
- Markuu arkay:** Soo gudbintii Dikreetada Madaxweynaha ee sumadeedu ahayd JSL/M/SHGW/081/2-936/022012 kuna taariikheysnayd 16/02/2012 oo ujeedadeedu ahayd soo gudbinta Xeerka La-dagaalanka Budhcad Badeedda.
- Markuu Xaqiijiyay:** In ay lagama maarmaan tahay in la aburo Xeerka La-Dagaalanka Budhcad Badeedda si looga hortago, loo cidhib tiro, loona ciqaabo cid kasta oo ay ku caddaato fal budhcad badeednimo;
- Markuu Tixgaliyey:** Dhibaataada baahsan ee ay budhcad badeeddu ku hayso weclasha (vessels) badda ee maraya biyaha Soomaliland iyo kuwa caalamiga ahba.
- Markuu Ku Qancay:** Baahida loo qabo Xeerka La-Dagaalanka Budhcad Badeedda.

## **Wuxuu Ansixiyay**

## **Xeerka La-Dagaalanka Budhcad Badeedda**



## **QODOBKA 1AAD** **MAGACA XEERKA**

Xeerkan magaciisu wuxuu noqonayaa **Xeerka La-Dagaalanka Budhcad Badeedda**

## **QODOBKA 2AAD** **QEEXITAAN**

**B. Fal Budhcad- Badeed:** waxa loola jeedaa:-

1. Fal kasta oo sharci-daro ah oo lagu geysto weerar, qabsasho (detention) ama burburin (depredation) oo ay ku kacaan shaqaale ama rakaab saaran markab ama diyaarad rayid ah (private ship or private aircraft), ama budhcad badeed hubeysan iyadoo ujeedadu tahay in laga helo faa'iido dhaqaale oo sharci darro ah, iyada oo falkaasi lagula kaco:
    - b. markab ama diyaarad ku sugan badweyn; qof ama hanti saaran markabka ama diyaarada;
    - t. markab ama diyaarad, qof ama hanti saaran markab ama diyaarad ku sugan meel aan hoos iman xuduuda dal kale (outside the jurisdiction of any state);
    - j. markab ama diyaarad, qof ama hanti saaran markab ama diyaarad ku sugan xuduuda biyaha-badda ee Qaranka Somaliland;
  2. Fal kasta oo si badheedh ah lagaga qaybqaato fal loo geysanayo markab ama diyaarad rayid ah iyadoo la ogyahay inuu yahay weerar budhcadnimo.
  3. Fal kasta oo dhiiri gelinaya ama fududaynaya, ama gacansiinaya budhcadnimo sida ku cad faqrada (1) iyo (2) ee Qodobkan.
  4. Sidoo kale, fal budhcad badeed oo uu gaysto/geysato markab ama diyaarad dagaal ama mid dawladeed oo ay shaqaaluhu kula wareegaan awoodii markabka ama diyaaradda kacdoon dartii; islamarkaana ku kaceen fal budhcad-badeednimo sida ku xusan **Qodobka 2aad** ee Xeerkan.
- T. **Markab:** markab waxa loola jeedaa weelasha badda ee ay ka midka yihiin markab, doon, saxiimad, laash, huudhi iyo weelasha kale ee badda ee loo adeegsado fal budhcad badeednimo.

**QODOBKA 3AAD:**  
**UJEEDOOYINKA XEERKA:**



1. Ilaalinta amniga iyo sugida nabad-gelyada badda Soomaaliland.
2. Badbaadinta maraakiibta maraya badda Soomaaliland iyo Baddaha Caalamiga ahba.
3. La-dagaalanka budhcad badeedda, tan biyaha Soomaaliland iyo tan biyaha caalamiga ahba.
4. Ka hortaga abaabulka, maalgelinta, xog-siinta, iyo kaalmeynta cid kasta oo ku hawlan falal budhcad badeednimo.
5. Ka hortaga falalka ay budhcad badeedu ku heyso Ganacsatada Soomaaliland iyo kuwa caalamiga ahba.
6. Baadhidda, maxkamadeynta, iyo xabsi gelinta danbiilayaasha budhcad badeedda marka la soo qabto.

**QODOBKA 4AAD**  
**CIQAABTA DEMBIGA BUDHCAD BADEED**

Qof kasta oo ku kaca falal Budhcad badeed ee ku xusan Qodobka 2aad ee Xeerkan waxa lugu ciqaabayaa xadhig gaadhaya 5 sanno ilaa 20 sanno haddii aanu geysan dil.

**QODOBKA 5 AAD**  
**AWOODDA MAXAKAMADAHA SOOMALILAND (JURISDICTION OF SOMALILAND COURTS)**

1. Sidoo kale falka budhcadnimo ee ka dhacay markab ama diyaarad Somaliland leedahay korkeed waxa awood u leh Maxkamadaha Jamhuuriyadda Somaliland haddii aanu marka falku dhacay ku sugnayn biyaha dal kale ama haddii falkaas Qaanuunka Caalamiga ahi hoos geyn awood dal kale.
2. Iyadoon la raacayn Qodobo xeer kale, maxakamadaha Somaliland ayaa awood u leh qaadista dacwadaha budhcad badeedda, ee lagu galo xuduuda badda ee Somaliland ama meel ka baxsan xuduuda badda Somaliland oo aan hoos iman xuduudaha biyaha ee dal kale marka ay gacanta ku dhigaan Ciidanka Ilaaladda Badda Somaliland, iyadoon loo eegayn jinsiyadda qofka eedaysanaha ah.



**QODOBKA 6AAD**  
**MARKAB AMA DIYAARAD BUDHCAD BADEED**

- 1- Markab ama diyaarad waxaa loo aqoonsanayaa inuu yahay markab ama diyaarad budhcad badeed haddii dadka gacanta ku haya ay u socdaan inay gaystaan falalka budhcadbadeednimo ee ku xusan Qodobka 2aad ee Xeerkan,
- 2- Sidoo kale markab ama diyaarad loo isticmaalay falalka budhcadnimo ee kor ku xusan ilaa inta ay gacantooda ku jirto kuwii falalka gaystay waxa loo aqoonsanayaa inuu yahay markab ama diyaarad budhcad badeed.

**QODOBKA 7AAD**  
**LAHAANSHAHA AMA LUMINTA JINSIYADA MARKAB AMA DIYAARAD**

Markab ama diyaaraddi way sii haysan kartaa jinsiyadeedii, xataa marka ay noqotay markab ama diyaarad budhcad badeed. Hay'sashada ama luminta jinsiyada waxaa xadidaaya Xeerka dalka ay ka diwaangashan yihiin.

**QODOBKA 8AAD**  
**BAADHISTA IYO QABASHADA WEELASHA BADDA EE CIIDANKA ILAALADA**  
**XEEBAHA**

1. Ciidanka Ilaalada Xeebuhu markay su'gayaan amniga iyo nabadgelyada badda iyo xeebaha waxay lahaanayaan dhammaan awoodaha ciidanka Booliska.
2. Ciidanka Ilaalada Xeebaha Somaliland waxay awood u leeyihiin in ay qabtaan, baadhaana markab ama diyaarad gacanta ugu jira budhcad badeed, ama uga shakiyeen fal budhcad-badeed oo ku sugan xuduuda biyaha badda ee Qaranka Somaliland ama meel ka baxsan xuduuda biyaha-Badda Somaliland oo aan hoos iman xuduud biyoodka-badda ee dal kale. Waxaa kale oo ay awood u leeyihiin inay xidhaan cid kasta oo lagu qabto falalka ama lagu tuhunsan yahay.
3. Ciidanka Ilaalada Xeebuhu waxa ay awood u leeyihiin inay bilaabaan baadhista dacwaddaha la xidhiidha falalka budhcad badeedda.

**QODOBKA 9AAD**  
**XAD-GUDUBKA MASUUL AMA SARGAAL MARKAB**

1. Masuulka ama sarkaalka markab ay Soomaaliland leedahay ama ajnabi leeyahay ee ku kaca fal burburin ama dhaaca markab ama doon Somaliland leedahay ama ajanebi leeyahay ama xamuulka amase dadka saaran waxaa lagu ciqaabayaa xadhig 10 sanno ilaa 20 sanno ah, hadii





falkaasi yahay fal budhcad badeednimo sida ku qeexan Qodobka 2aad ee Xeerkan.

2. Sarkaalka Dawladeed ama sarkaalka u xilsaaran dan guud ee qabta hawl ka dhan ah waajibkisa oo fududaynaysa fal budhcadnimo ama ka qaybqaata faa'iidada wixii laga helay falkaas oo uu uga faa'iidesto naftisa ma cid kale ama aqbala balan qaad waxaa lagu ciqaabayaa xadhig 10 sanno ilaa 25 sanno ah.

### **QODOBKA 10AAD** **REEBANAANTA IIBSIGA XADHIGA**

Xukunka xabsiga ah ee lagu mutaysto danbiyada ku xusan Xeerkan lairra iibsano karo.

### **QODOBKA 11AAD** **LA WAREEGID**

Doon, markab iyo diyaarad kasta oo budhcad badeed iyo dhammaan midaha iyo faa'iidada laga helay natiijada gelitaanka denbiga ku xusan Qodobka 2aad ee Xeerkan waa lala wareegayaa.

### **QODOBKA 12AAD** **QODOBADA XEERKAN**

Qodobadda Xeerkan waxa ay ka mid noqonayaan Xeerka Ciqaabta Guud ee Dalkeeda, Waxana lala akhriyayaa Xeerka Ciqaabka Guud.


### **QODOBKA 13AAD** **TIRTIRID**

Waxaa la buriyey Qodobka 205aad, 206aad ee Xeerka Badda (Legislative Decree N.1) ee soo baxay 21 February 1959, sidoo kale waxaa la tirtiray qodob kasta ama xeer kasta oo ka hor imanaya Xeerkan.

### **QODOBKA 14AAD** **DHAQAN GALKA XEERKA**

Xeerkan waxa uu dhaqan-gelayaa marka ay Goleyaasha Xeer-dejintu ansixiyaan Madaxweynihuna saxeexo.

  
C/risaaq Siid Ayaanle  
Xoghayaha Guud ee Golaha Wakiilada

  
C/raxmaan Maxamed C/Isa (Cirro)  
Gudoomiyaha Golaha Wakiilada JSI